

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

2. Cur Deus gloria[m] à nobis expetat?

urn:nbn:de:hbz:466:1-45699

rependito: bibis vinum, memento eius, qui illud tibi dedit ad latitiam, & infirmitatum solamen; tunicam indueris, gratias agito benigno datori; suspicis in celum, & siderum pulchritudinem, procide Deo, & cole eum, qui cuncta hac in sapientia condidit: pari modo, oriente sole, & occidente, in somno & vigilia, Deo gratias age, qui hac omnia ad tuum commodum creavit, & ordinavit, ut creatorum agnoscas, ames, & laudes. Ad hunc modum cætera quoque omnia possunt actu ad Dei gloriam referri, & referuntur à multis. Haud tamen ex præcepto; quamuis D. Thomas doceat, ex præcepto hominem aliquando se, & omnia in genere, ad Dei gloriam, tamquam ad ultimum finem referre debere. Sed D. Paulus non loquitur de uno aut altero actu, cùm dicat: *Omnia ad gloriam Dei facite.* Alij igitur, vt D. Anselmus & D. Ambrosius, qui præceptum putant illis verbis contineri, ea de aptitudine exponunt & habilitate, quasi dicat Apostolus: Ita manducate, bibite, omniaq; facite, vt apta & habilia sint ad gloriam Dei promouendam, seu vt nemo offendatur aut scandalizetur, sed potius, vt ea videntes, vel audientes edificantur. Quod vero Deo tantò magis debetur, quia id falsis Numinibus gentes censuerunt faciendum. *Aiunt enim, Arnobio teste, sacra hac honorandis esse instituta caelestibus, & ea quod faciant, honoris ergo facere, & his numinum potentias auflitare.* Quid si similiiter dicant evigilare sese, arque dormire, deambulare, subsistere, conscribere aliquid & lectitare, ut honorem diis habeant, & dignitatibus eos faciant ampliores? Quam artem Ethnici nō habuerunt, habent autem, & didicerunt à S. Paulo Christiani, quorum tota vita Deo est consecrata. Quin etiam Iudei habuerunt. Ita enim legimus: *Iudas vero, & quicum eo erant, innocato Deo, per orationes congregati sunt: manu quidem pugnantes, sed Dominum cordibus orantes, prostrauerunt non minus triginta quinque millia, praesentia DEI magnifice delectati.*

S. Thom. 1. 2.
q. 100. art. 10.
ad 2.

Arnob. lib 7.
aduers. Gent.

2. Machab.
15. 16:

2. Corollarium & illud dicitur, Deo non solum deberi honorem ac gloriam, sed etiam Deum (etsi nostra gloria non egeat) & jure, & sine omni vitio gloriam à nobis expetere. Si enim gloria virtutis debetur, debetur ea vtique summæ virtuti. Hinc apud Malachiam ait: *Filius honorat patrem, & seruus dominum suum;* Malach. 1. 6. *siergo Pater ego sum, ubi est honor meus? & si Dominus ego sum, ubi est*

II.

Psal. 28. 2. *est timor meus?* Quod & David jubet: *Afferte Domino gloriam & honorem, afferte Domino gloriam nomini eius.* Et humilis corde Christus laudantes se laudauit cùm diceret: *Vos vocatis me, Magister & Domine, & bene dicatis.* Periculoso est quidem sibi placere, sed illi, cui cauendum est superbire, vt ait S. Augustinus, non illi, cui vndeque excellentissimo signa, vel testimonia excellentiæ debentur. Quòd autem Deus à nobis gloriam suam expectat, non est aliquid inordinatum. Ille enim, qui super omnia est, quantumcumque se laudet, non extollit se. Quamquam hoc ipsum jus honoris, quod habet, non propter suum, sed propter nostrum bonum expedit. Nobis enim prodest, Deum nosse, non illi. Quis autem eum cognosceret, si non se ipsum indicasset, qui nouit? Non potest autem se ipsum indicare, nisi laudando. Est enim *magnus Dominus, & laudabilis nimis.* Etsi ergo se laudet, & gloriam suam querat, & postulet, non querit tamen illam propter se, quasi ea indigeret; sed propter nos, vt nos è cognitâ in amorem illius exardescamus, eumque amantes ad veram æternamque gloriam perueniamus; juxta illud: *Affer filios meos de longino, & filias meas ab extremis terra. Et omnem, qui innocat nomen meum, in gloriam meam creans eum.* Quid enim est gloria Dei externa, nisi clara eius cum laude notitia? per quam si eum ut laudabilem cognoscimus, accendimur ad eum amandum, eique seruendum, quibus rebus finem nostrum æternamque beatitudinem voluit nos adipisci.

III.

Ephes. 5. 1.
Ila. 42. 8.

Matth. 5. 16.
ibid.

3. Hinc aliud corollarium sequitur, tunc scilicet in nobis quoque non fore peccatum appetitum gloriæ, si in eo appetiu velimus Deo assimilari, juxta illud: *Estate imitatores Dei, sicut filii charissimi.* Assimilamur autem Deo, non quando id nobis arrogamus, quod est proprium Dei, excellentiam scilicet illius appetentes, aut eius testimonium, quæ soli Deo competit dicenti: *Gloriam meam alteri non dabo, sed si quemadmodum ille gloriam ab hominibus querit, non propter se quasi ea indigeat, sed propter homines; ita & nos vicissim gloriam queramus, non propter nostram, sed propter Dei gloriam, aut proximum, eiusque utilitatem.* Hinc est illud: *Videant opera vestra bona, & glorifcent Patrem vestrum, qui in celis est.* Itemque, *Luceat lux vestra coram hominibus,*